



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-451-3/21**
Datum: **19.10.2021.godine**

«Agencija za vodno područje rijeke Save» Sarajevo rješavajući po zahtjevu pravnog lica „Bags Energotehnika“ d.d. Vogošća, za donošenje rješenja o vodnoj dozvoli za ispuštanje tehnoloških otpadnih voda sa lokacije pogona Kotlovnice, izgrađenog u industrijskoj zoni općine Vogošća, u ulici Igmanska bb, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu „Bags Energotehnika“ d.d. Vogošća, daje se vodna dozvola za ispuštanje tehnoloških otpadnih voda sa lokacije pogona Kotlovnice, izgrađenog u industrijskoj zoni općine Vogošća, u ulici Igmanska bb.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „Bags Energotehnika“ d.d. Vogošća, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu pogona Kotlovnice, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje uređaja za tretman tehnoloških otpadnih voda i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta-kotlovnice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa Prilogom 17 Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izvrještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.5. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.6. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.7. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.9. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta –kotlovnice sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Bags Energotehnika“ d.d. Vogošća, zahtjevom broj: 762-09/21 od 23.09.2021 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda sa lokacije pogona Kotlovnice, izgrađenog u industrijskoj zoni općine Vogošća, u ulici Igmanska bb.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra broj: 065-0- RegZ-18-010124 od 15.11.2018 godine, izdato od strane Općinskog suda u Sarajevu,

- Ovjerenjena kopija Uvjerjenja o poreskoj registraciji izdatoj od Porezne uprave Kantonalni ured Sarajevo od 31.10.2003. godine,
- Uvjerjenje o registraciji broj 04/1-1UPP/1-16451/07 od 06.09.2007.godine, Uprava za indirektno oporezivanje Banja Luka,
- Uplatnica za upravnu taksu u iznosu od 70,00 KM,
- Rješenje o vodnoj dozvoli za ispuštanje otpadnih voda broj: UP-I/25-3-40-503-4/16 od 24.10.2016. godine, izdato od strane „Agencije za vodno područje rijeke Save“ Sarajevo,
- Izvještaj o monitoringu kvaliteta otpadnih voda kotlovskog postrojenja „BAGS ENERGOTEHNIKA“ d.d. Vogošća broj: 420/21, urađen od strane «Inspekt-RGH» d.o.o. Sarajevo, mart 2021 godine,
- Rješenje o okolinskoj dozvoli broj: UPI 05/2-23-11-74/18 od 25.02.2019. godine izdato od strane Federalno ministarstvo okoliša i turizma,
- Zemljišnoknjižni izvadak broj: 065-0-NAR-17-054872 ZK broj: 476 od 06.07.2017. godine katastarska općina SP Gornja Vogošća izdat od strane Općinskog suda u Sarajevu,
- Kopija Ugovora o uređenju vlasničkih odnosa i odnosa o korištenju komunalne i druge infrastrukture u Industrijskom kompleksu Unis-Vogošća od 20.04.1999. godine zaključen između Unis-Pretis NIS d.o.o., Unis-Pretis d.o.o., Unis-UTL d.d. i Unis-Energotehnika d.d.,
- Šema tokova u kotlovnici,
- Rješenje o izvedenim radovima na sanaciji i rekonstrukciji naftnog rezervoara od 2000 m³ i pumpne stanice broj: 05-23-1602/06 od 14.12.2016. godine izdato od strane Službe za urbanizam, prostorno planiranje, građenje i imovinsko pravne i stambene poslove, Općina Vogošća,
- Kopija katastarskog plana broj plana 35 od 14.08.2009 godine izdata od strane Službe za geodetske poslove i katastar nekretnina, Vogošća.
- Fature broj: 1417-19 od 28.05.2019 godine izdate od strane KJKP „Vodovod i kanalizacija“ d.o.o. Sarajevo.

B. Tehnička dokumentacija

- Glavni projekat odvodnje objekata M141/5, M141/II, M141/4 i postojećeg pretakališta za mazut, urađen od strane «UNIS Inženjering» Sarajevo, decembar 1985. godine,
- Glavni projekat kotlovskog postrojenja „Unis“ Vogošća-tekstualni dio, urađen od strane «Đuro Đaković» Slavonski Brod, avgust 1973. godine,
- Pogonska uputstva za Blok kotao tip na uljno-plinsko loženje urađen od strane «Đuro Đaković» Slavonski Brod, avgust 1973. godine,
- Glavni projekat mašinskih i elektro instalacija priključenja novog kotla tip: S-1000 u kotlovnici izmještanje pumpi urađen od strane projektnog biroa UNIS-RO „Energetika“,
- Glavni izvedbeni projekat-vodovod i kanalizacija za kotlovnici „UNIS“ Vogošća, 1985 godine, „Projekt“ RO za projektiranje, konzalting i nadzor, Zagreb.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-I/25-3-40-451-2/21 od 14.10.2021. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta za proizvodnju i distribuciju toplotne energije, pravnog lica „BAGS ENERGOTEHNIKA“ d.d. Vogošća, nalazi se u industrijskoj zoni općine Vogošća, u ulici Igmanska bb.

Na lokalitetu predmetnog poslovnog objekta nalaze se sljedeće cjeline: upravna zgrada, dva kotlovska postrojenja (S1-1000 snage 6,5 MW i S2-2400 snage 16,5 MW), rezervoar mazuta koji je jednim dijelom ukopan u zemlju i smješten u tankvanu namijenjenu za ekscenčne situacije i ista može primiti maksimalnu količinu uskladištenog mazuta, depo uglja, taložnik, saobraćajne površine i dr.

U toku 24 sata radi samo jedno kotlovsko postrojenje zavisno o potrebi i proizvede se 75MWh

Za hemijsku pripremu vode se koristi industrijska so a ista se vrši u dva ionska mekšivača kapaciteta 5t/h.

Tehnološke otpadne vode u procesu proizvodnje toplotne energije nastaju prilikom odmuljivanja kotlova u toku sezone grijanja, u toku remonta – ispiranja instalacija van sezone grijanja, hemijske pripreme vode, od pranja podova i opreme. Ove vode se putem kanala odvođe do taložnika (gdje se vrši neutralizacija odnosno korekcija pH vrijednosti. Prečišćene tehnološke vode se, putem cjevovoda, ispuštaju u potok

Peračko Vrelo koji se ulijeva u rijeku Vogošću. Oborinske vode sa kruga predmetnog poslovnog objekta prikupljaju se putem linijskih rešetki i slivnika i internom kanalizacionom mrežom odvođe u potok Peračko Vrelo koji se ulijeva u rijeku Vogošću.

Izveštaj rezultata ispitivanja kvaliteta tehnoloških otpadnih voda, broj: 420/21, urađen od strane «Inspekt-RGH» d.o.o. Sarajevo, mart 2021 godine, ukazuju da parametri kvaliteta otpadnih voda su u skladu sa graničnim vrijednostima definisanim Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 19., 20. i 21. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „Bags Energotehnika“ d.d. Vogošća, ispunio minimum uslova za izdavanje vodne dozvole za ispuštanje tehnoloških otpadnih voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

Po ovlaštenju

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „Bags Energotehnika“ d.d. Vogošća, Igmanska bb, Vogošća (Prilog-tehnička dokumentacija pod tačkom B obrazloženja Rješenja)

Ⓐ AVP Sava, ISV-vodna knjiga

- Org.jed. 50

- Org.jed. 40-arhiva

- Oglasna tabla AVP Sava Sarajevo